

遼

史

元脫脫等撰

遼史

第二冊

卷三一至卷四四(志)

中華書局

遼史卷三十一

志第一

營衛志上

上古之世，草衣木食，巢居穴處，熙熙于于，不求不爭。爰自炎帝政衰，蚩尤作亂，始制干戈，以毒天下。軒轅氏作，戮之涿鹿之阿。處則象吻于宮，行則懸旄于纛，以爲天下萬世戒。於是師兵營衛，不得不設矣。

冀州以南，歷洪水之變，夏后始制城郭。其人士著而居綏服之中，外奮武衛，內揆文教，守在四邊。營衛之設，以備非常而已。并、營以北，勁風多寒，隨陽遷徙，歲無寧居，曠土萬里，寇賊姦宄乘隙而作。營衛之設，以爲常然。其勢然也。

有遼始大，設制尤密。居有宮衛，謂之幹魯朵；出有行營，謂之捺鉢；分鎮邊圉，謂之部族。有事則以攻戰爲務，閑暇則以畋漁爲生。無日不營，無在不衛。立國規模，莫重於此。

作營衛志。以文輝營衛，開導順以刈厥讎。無日不營，無主不衛。立國與鄰，莫重於此。

宮衛

十萬里，宮衛之制，乘輿而前。營衛之制，以爲常然。其變然也。

遼國之法：天子踐位置宮衛，分州縣，析部族，設官府，籍戶口，備兵馬。崩則扈從后妃宮帳，以奉陵寢。有調發，則丁壯從戎事，老弱居守。

太祖曰弘義宮，應天皇后曰長寧宮，太宗曰永興宮，世宗曰積慶宮，穆宗曰延昌宮，景宗曰彰愍宮，承天太后曰崇德宮，聖宗曰興聖宮，興宗曰延慶宮，道宗曰太和宮，天祚曰永昌宮。又孝文皇太弟有敦睦宮，丞相耶律隆運有文忠王府。凡州三十八，縣十，提轄司四十一，石烈二十三，瓦里七十四，抹里九十八，得里二，闌撒十九。爲正戶八萬，蕃漢轉戶十二萬三千，^{〔一〕}共二十萬三千戶。

算幹魯朶，太祖置。國語心腹曰「算」，宮曰「幹魯朶」。是爲弘義宮。以心腹之衛置，益以渤海俘，錦州戶。其幹魯朶在臨潢府，陵寢在祖州東南二十里。正戶八千，蕃漢轉戶七千，出騎軍六千。

州五：錦、祖、嚴、祺、銀。

縣一：富義。

提轄司四：南京、西京、奉聖州、平州。

石烈二：曰須，曰速魯。

瓦里四：曰合不，曰撻撒，曰慢押，曰虎池。

抹里四：曰臚，曰預墩，曰鶻突，曰糾里闡。

得里二：曰述壘北，曰述壘南。

國阿輦幹魯朵，太宗置。收國曰「國阿輦」。是爲永興宮，初名孤穩幹魯朵。以太祖平

渤海俘戶，東京、懷州提轄司及雲州懷仁縣、澤州灤河縣等戶置。其幹魯朵在游古河側，陵寢在懷州南三十里。正戶三千，蕃漢轉戶七千，出騎軍五千。

州四：懷、黔、開、來。

縣二：保和、灤河。

提轄司四：南京、西京、奉聖州、平州。

石烈一：北女古。

瓦里四：曰抹，曰母，曰合李只，曰述壘。

抹里十三：曰述壘軫，曰大隔蔑，曰小隔蔑，曰母，曰歸化不朮，曰唐括，曰吐谷，曰百爾瓜忒，曰合魯不只，曰移馬不只，曰臚，曰清帶，曰速穩。

聞撒七：曰伯德部，曰守狝，曰穴骨只，曰合不頻尼，曰虎里狝，曰耶里只挾室，曰僧隱令公。

耶魯盪幹魯朶，世宗置。興盛曰「耶魯盪」。是爲積慶宮。以文獻皇帝衛從及太祖俘戶，及雲州提轄司，并高、宜等州戶置。其幹魯朶在土河東，陵寢在長寧宮北。正戶五千，蕃漢轉戶八千，出騎軍八千。

州三：康、顯、宜。

縣一：山東。

提轄司四。

石烈一：兮臘。

瓦里八：曰達撒，曰合不，曰吸烈，曰逼里，曰潭馬，曰槩不，曰耶里直，曰耶魯兀也。

抹里十：曰紇斯直，曰蠻葛，曰厥里，曰潭馬忒，曰出懶，曰速忽魯腕，曰牒里得，曰閭馬，曰迭里特，曰女古。

蒲速盃幹魯朵，應天皇太后置。興隆曰「蒲速盃」。是爲長寧宮。以遼州及海濱縣等戶置。其幹魯朵在高州，陵寢在龍化州東一百里。世宗分屬讓國皇帝宮院。正戶七千，蕃漢轉戶六千，出騎軍五千。

州四：遼、儀坤、遼西、顯。

縣三：奉先、歸義、定霸。

提轄司四。

石烈一：北女古。

瓦里六：曰潭馬，曰合不，曰達撒，曰慢押，曰耶里只，曰渾只。

抹里十三：曰渾得移鄰稍瓦只，曰合四卑臘因鐵里卑稍只，曰奪羅果只，曰拏葛只，曰

合里只，曰婆渾昆母溫，曰阿魯埃得本，曰東厮里門，曰西厮里門，曰東鏤里，曰西

鏤里，曰牒得只，曰滅母鄰母。

奪里本幹魯朵，穆宗置。是爲延昌宮。討平曰「奪里本」。以國阿輦幹魯朵戶及阻卜俘戶，中京提轄司、南京制置司、咸、信、韓等州戶置。其幹魯朵在紉雅里山南，陵寢在京南。

正戶一千，蕃漢轉戶三千，出騎軍二千。

州二：遂、韓。

提轄司三：中京、南京、平州。

石烈一：曰須。

瓦里四：曰抹骨古等，曰兀沒，曰潭馬，曰合里直。

抹里四：曰抹骨登兀沒滅，曰土木直移鄰，曰息州決里，曰莫瑰奪石。

監母幹魯朶，景宗置。是爲彰愍宮。遺留曰「監母」。以章肅皇帝侍衛及武安州戶置。

其幹魯朶在合魯河，陵寢在祖州南。正戶八千，蕃漢轉戶一萬，出騎軍一萬。

州四：永、龍化、降聖、同。

縣二：行唐、阜俗。

提轄司四。

石烈二：曰監母，曰南女古。

瓦里七：曰潭馬，曰奚烈，曰埃合里直，曰蠻雅葛，曰特末，曰烏也，曰滅合里直。

抹里十一：曰尼母曷烈因稍瓦直，曰察改因麻得不，曰移失鄰幹直，曰辛古不直，曰撒

改眞，曰牙葛直，曰虎狨阿里鄰，曰潑昆，曰潭馬，曰閘臘，曰楚兀眞果鄰。

孤穩幹魯朵，承天太后置。是爲崇德宮。玉曰「孤穩」。以乾、顯、雙三州戶置。其幹魯朵在土河東，陵祐景宗皇帝。正戶六千，蕃漢轉戶一萬，出騎軍一萬。

州四：乾、川、雙、貴德。

縣一：潑上京。

提轄司三：南京、西京、奉聖州。

石烈三：曰鑣里，曰滂，曰迭里特女古。

瓦里七：曰達撒，曰耶里，曰合不，曰歇不，曰合里直，曰慢押，曰耶里直。

抹里十一：曰阿里廝直述壘，曰預篤溫稍瓦直，曰潭馬，曰質預篤溫一臘，曰牙葛直，曰

牒得直，曰虎溫，曰孤溫，曰撒里僧，曰阿里葛斯過鄰，曰鐵里乖穩鑣里。

閘撒五：曰合不直迷里幾頻你，曰牒耳葛太保果直，曰爪里阿本果直，曰僧隱令公果直，曰老昆令公果直。

女古幹魯朵，聖宗置。是爲興聖宮。金曰「女古」。以國阿輦、耶魯盃、蒲速盃三幹魯朵

戶置。其幹魯朵在女混活直，陵寢在慶州南安。正戶一萬，蕃漢轉戶二萬，出騎軍五千。

州五：慶、隰、烏上京、烏東京、霸。

提轄司四。

石烈四：曰毫兀真女姑，曰罕兀真女室，曰女特里特，曰女古滂。

瓦里六：曰女古，曰蒲速盪，曰鶻篤，曰乙抵，曰薺，曰埃也。

抹里九：曰乙辛不只，曰鐵乖溫，曰埃合里只，曰嘲瑰，曰合魯山血古只，曰奪忒排登血。

古只，曰勞骨，曰虛沙，曰土鄰。

聞撒五：曰達鄰頻你，曰和里懶你，曰爪阿不厥真，曰粘獨里僧，曰袍達夫人厥只。

窩篤盪幹魯朵，與宗置。是爲延慶宮。孛息曰「窩篤盪」。以諸幹魯朵及饒州戶置。其

幹魯朵在高州西，陵寢在上京慶州。正戶七千，蕃漢轉戶一萬，出騎軍一萬。

州三：饒、長春、泰。

提轄司四。

石烈二：曰窩篤盪，曰鶻篤骨。

瓦里六：曰窩篤盪，曰厮把，曰厮阿，曰紉里，曰得里，曰歐烈。

抹里六：曰歐里本，曰燕廝，曰緬四，曰乙僧，曰北得里，曰南得里。

阿思幹魯朵，道宗置。是爲太和宮。寬大曰「阿思」。以諸幹魯朵御前承應人及興中府戶置。其幹魯朵在好水濼，陵寢在上京慶州。正戶一萬，蕃漢轉戶二萬，出騎軍一萬五千。

石烈二：曰阿廝，曰耶魯。

瓦里八：曰阿廝，曰耶魯，曰得里，曰紮里，曰撒不，曰鶻篤，曰蒲速幹，曰曷烈。

抹里七：曰恩州得里，曰幹奢得里，曰歐里本，曰特滿，曰查刺土鄰，曰紮里，曰阿里廝迷里。

阿魯盤幹魯朵，天祚皇帝置。是爲永昌宮。輔祐曰「阿魯盤」。以諸幹魯朵御前承應人，春、宣州戶置。正戶八千，蕃漢轉戶一萬，出騎軍一萬。

石烈二：曰阿魯盤，曰榆魯盤。

瓦里八：曰阿魯幹，曰合里也，曰鶻突，曰敵刺，曰謀魯幹，曰紮里，曰奪里刺，曰特末也。

抹里八：曰蒲速盤，曰移輦，曰幹篤盤，曰特滿，曰謀魯盤，曰移典，曰悅，曰勃得本。

孝文皇太弟敦睦宮，謂之赤寔得本幹魯朶。孝曰「赤寔得本」。文獻皇帝承應人及渤海俘，建、瀋、巖三州戶置。陵寢在祖州西南三十里。正戶三千，蕃漢轉戶五千，出騎軍五千。

州三：建、瀋、巖。

提轄司一：南京。

石烈二：曰嘲，曰與敦。

瓦里六：曰乙辛，曰得里，曰奚烈直，曰大潭馬，曰小潭馬，曰與墩。

抹里二：曰潭馬抹乖，曰柳實。

闡撒二：曰聶里頻你，曰打里頻你。

大丞相晉國王耶律隆運，本韓氏，名德讓。以功賜國姓，出宮籍，隸橫帳季父房。贈尚書令，諡文忠。無子，以皇族魏王貼不子耶魯爲嗣，早卒，天祚皇帝又以皇子敖魯幹繼之。官給葬具，建廟乾陵側。擬諸宮例，建文忠王府。正戶五千，蕃漢轉戶八千，出騎軍一萬。

州一。〔四〕

提轄司六：上京、中京、南京、西京、奉聖州、平州。

著帳郎君

著帳郎君：初，遙輦痕德堇可汗以蒲古只等三族害于越釋魯，籍沒家屬入瓦里。淳欽皇后宥之，以爲著帳郎君。世宗悉免。後族、戚、世官犯罪者沒入。

著帳戶

著帳戶：本諸幹魯朶析出，及諸罪沒入者。凡承應小底、司藏、鷹坊、湯藥、尙飲、盥漱、尙饌、尙衣、裁造等役，及宮中、親王祇從、伶官之屬，皆充之。

凡諸宮衛人丁四十萬八千，^{〔五〕}騎軍十萬一千。著帳釋宥、沒入，隨時增損，無常額。

校勘記

〔一〕正戶八萬蕃漢轉戶十二萬三千 按下文各宮戶數合計，正戶爲八萬一千，蕃漢轉戶十二萬四千。

〔三〕提轄司四 按此缺提轄司所在地名，應與弘義、永興兩宮同。下文長寧宮、彰愍宮、興聖宮、延慶宮仿此。

〔三〕縣二行唐阜俗 按地理志一，保和縣、宣化縣均于統和八年隸彰愍宮。

〔四〕州一 按地理志二：「宗州，耶律隆運以所俘漢民置。聖宗立爲州，隸文忠王府。王薨，屬提轄司。」又地理志三：「川州，初隸崇德宮，統和中屬文忠王府。」

〔五〕諸宮衛人丁四十萬八千 永昌宮正戶八千，正丁一萬四千。若按其他各宮每戶二丁之例，則應是人丁一萬六千。諸宮衛人丁共爲四十一萬。

遼史卷三十二

志第二

營衛志中

行營

周官土圭之法：日東，景夕多風；日北，景長多寒。天地之間，風氣異宜，人生其間，各適其便。王者因三才而節制之。長城以南，多雨多暑，其人耕稼以食，桑麻以衣，宮室以居，城郭以治。大漠之間，多寒多風，畜牧畋漁以食，皮毛以衣，轉徙隨時，車馬爲家。此天時地利所以限南北也。遼國盡有大漠，浸包長城之境，因宜爲治。秋冬違寒，春夏避暑，隨水草就畋漁，歲以爲常。四時各有行在之所，謂之「捺鉢」。

春捺鉢：

曰鴨子河凼。皇帝正月上旬起牙帳，約六十日方至。天鵝未至，卓帳冰上，鑿冰取魚。

冰泮，乃縱鷹鵠捕鵝雁。晨出暮歸，從事弋獵。鴨子河濶東西二十里，南北三十里，在長春州東北三十五里，四面皆沙碁，多榆柳杏林。皇帝每至，侍御皆服墨綠色衣，各備連鎗一柄，鷹食一器，刺鵝錐一枚，於濼周圍相去各五七步排立。皇帝冠巾，衣時服，繫玉束帶，於上風望之。有鵝之處舉旗，探騎馳報，遠泊鳴鼓。鵝驚騰起，左右圍騎皆舉幟麾之。五坊擊進海東青鵠，拜授皇帝放之。鵠擒鵝墜，勢力不加，排立近者，舉錐刺鵝，取腦以飼鵠。救鵠人例賞銀絹。皇帝得頭鵝，薦廟，羣臣各獻酒果，舉樂。更相酬酢，致賀語，皆插鵝毛于首以爲樂。賜從人酒，遍散其毛。弋獵網釣，春盡乃還。

夏捺鉢：

無常所，多在吐兒山。道宗每歲先幸黑山，拜聖宗、興宗陵，賞金蓮，乃幸子河避暑。吐兒山在黑山東北三百里，近饅頭山。黑山在慶州北十三里，上有池，池中有金蓮。子河在吐兒山東北三百里。懷州西山有清涼殿，亦爲行幸避暑之所。四月中旬起牙帳，卜吉地爲納涼所，五月末旬、六月上旬至。居五旬。與北、南臣僚議國事，暇日遊獵。七月中旬乃去。

秋捺鉢：

曰伏虎林。七月中旬自納涼處起牙帳，入山射鹿及虎。林在永州西北五十里。嘗有

虎據林，傷害居民畜牧。景宗領數騎獵焉，虎伏草際，戰慄不敢仰視，上舍之，因號伏虎林。每歲車駕至，皇族而下分布灤水側。伺夜將半，鹿飲鹽水，令獵人吹角效鹿鳴，既集而射之。謂之「舐鱗鹿」，又名「呼鹿」。

冬捺鉢：

曰廣平淀。在永州東南三十里，本名白馬淀。東西二十餘里，南北十餘里。地甚坦夷，四望皆沙磧，木多榆柳。其地饒沙，冬月稍暖，牙帳多於此坐冬，與北、南大臣會議國事，時出校獵講武，兼受南宋及諸國禮貢。皇帝牙帳以槍爲硬寨，用毛繩連繫。每槍下黑氈傘一，以庇衛士風雪。槍外小氈帳一層，每帳五人，各執兵仗爲禁圍。南有省方殿，殿北約二里曰壽寧殿，皆木柱竹榱，以氈爲蓋，彩繪韜柱，錦爲壁衣，加緋繡額。又以黃布繡龍爲地障，牕、榻皆以氈爲之，傅以黃油絹。基高尺餘，兩廂廊廡亦以氈蓋，無門戶。省方殿北有鹿皮帳，帳次北有八方公用殿。壽寧殿北有長春帳，衛以硬寨。宮用契丹兵四千人，每日輪番千人祇直。禁圍外卓槍爲寨，夜則拔槍移卓御寢帳。周圍拒馬，外設鋪，傳鈴宿衛。

每歲四時，周而復始。

皇帝四時巡守，契丹大小內外臣僚并應役次人，及漢人宣徽院所管百司皆從。漢人樞密院、中書省唯摘宰相一員，樞密院都副承旨二員，令史十人，中書令史一人，御史臺、大理